

1. **Fakultet sporta i tjelesnog odgoja Univerziteta u Sarajevu**, Patriotske lige 41, 71000 Sarajevo kojeg zastupa dekan, prof.dr. Safet Kapo
2. **Veterinarski fakultet Univerziteta u Sarajevu**, Zmaja od Bosne 90, 71000 Sarajevo koga zastupa dekan prof.dr. Nihad Fejzić

U daljem tekstu Sporazumne strane u Sarajevu sklapaju

SPORAZUM o naučnoistraživačkoj i tehničkoj saradnji

Član 1.

Ovim sporazumom, Sporazumne strane definiraju zajednički interes i izražavaju želju za uspostavljanjem naučnoistraživačke i druge oblike komplementarne saradnje u oblastima djelatnosti potpisnica Sporazuma.

Član 2.

Saradnja između potpisnica Sporazuma u odgovarajućim oblastima odvijaće se u slijedećim oblicima:

- istraživačka djelatnost u realizaciji međunarodnih projekata,
- razmjena naučnog kadra, istraživača i drugih saradnika,
- razmjena naučnih iskustava i dostignuća,
- razmjena publikacija,
- instaliranje i eksploatacija informatičkih sistema i programa,
- organizovanje i učestvovanju u radu naučnih i stručnih konferencija, kurseva i seminara, naučnih i stručnih "radionica" - na bh. i međunarodnoj razini i
- ostale komplementarne aktivnosti od zajedničkog interesa.

Član 3.

U okviru mogućnosti koje pružaju odredbe iz člana 2. ovog sporazuma, potpisnice će posebnim aneksima sporazuma definirati međusobna prava i obaveze u svakom konkretnom zajedničkom projektu.

Član 4.

Implementaciju dogovorene suradnje iz ovog sporazuma potpisnice će izvršiti na slijedeći način:

- Zajednička istraživanja će se ostvariti realizacijom bilateralnih projekata i programa i u združenoj suradnji sa drugim bh. i međunarodnim subjektima.
- Razmjenu istraživača će se odvijati u funkciji posebnih zajedničkih interesa, a u skladu sa finansijskim mogućnostima potpisnica.
- Potpisnice će omogućiti razmjenu istraživača u funkciji realizacije istraživačkih.

Član 5.

- (1) Svaka potpisnica Sporazuma će obezbijediti vlastite izvore finansiranja za realizaciju konkretnih oblika saradnje.
- (2) Ovaj sporazum uključuje i mogućnost finansiranja iz alternativnih izvora, obezbijedenih aktivnošću od strane jednog ili oba potpisnika.
- (3) U slučajevima posebno dogovorenih oblika saradnje sa definiranom konstrukcijom finansiranja, potpisnice ovog sporazuma će sačiniti odgovarajući ugovor, koji će obavezno sadržavati slijedeće elemente:
 - vrijednost ugovora, načini i izvori finansiranja,
 - odgovorni nosioci realizacije ugovora i njihova ovlaštenja,
 - tim istraživača i drugih saradnika koji će učestvovati u realizaciji projekta,
 - specifikacija i iznos troškova koje snosi svaka potpisnica ugovora,
 - etička i materijalna prava koja proizilaze iz postignutih rezultata,
 - način objavljivanja i publiciranja rezultata realizacije ugovorenog projekta.

Član 6.

- (1) Ovaj sporazum se zaključuje na neodređeno vrijeme.
- (2) Otkazivanje Sporazuma može zahtijevati bilo koja potpisnica, najkasnije do 15. januara tekuće godine.
- (3) Zahtjev se podnosi najmanje šest mjeseci unaprijed.

Član 7.

Sporazumne strane se obavezuju da će sva sporna pitanja rješavati mirnim putem, a ukoliko u tome ne uspiju ugovaraju nadležnost suda u Sarajevu.

Član 8.

Sporazum je sačinjen u 2 (dva) istovjetna primjerka od kojih svaka potpisnica zadržava po 1 (jedan) primjerak.

Član 9.

Sporazumne strane su saglasne da ovaj Sporazum i obaveze koje iz njega proističu stupa na snagu danom potpisivanja i ovjere.

Fakultet sporta i tjelesnog odgoja
Univerziteta u Sarajevu

Prof.dr. Safet Karić, dekan

Broj: 09-5838/17
Sarajevo, 08-12-2017



Veterinarski fakultet
Univerziteta u Sarajevu

Prof.dr. Nihad Fejzić, dekan

Broj: 09-04-28-121/17
Sarajevo, 05-12-2017

